

Nakon provedenog postupka direktnog sporazuma na način i po postupku predviđenom članom 90. Zakona o javnim nabavkama BiH, zaključuje se

U G O V O R O KUPOVINI ANALITIČKE VAGE

između:

JAVNE USTANOVE "APOTEKE SARAJEVO", Sarajevo, Kranjčevićeva 29, koju zastupa generalni direktor Nedim Hrelja mr. ph. MBA (u daljem tekstu Kupac)

i

MEDA d.o.o. sa sjedištem u Sarajevu, ulica Antuma Hangija 6 - TPC, ID: 4200104360002, (u daljem tekstu Prodavac), koje zastupa Mirza Velagić, direktor

I PREDMET I CIJENA

Član 1.

Predmet ovog ugovora je kupovina analitičke vage u skladu sa ponudom prodavca broj: P20-189 od 16.09.2020., koja je sastavni dio ovog ugovora.

Prodavac prihvata da će isporučiti kupcu gore navedenu robu u vrijednosti od 5.950,97 KM bez PDV-a, ukupna cijena sa PDV-om 6.962,64 KM.

II ROK I NAČIN ISPORUKE

Član 2.

Prodavac se obavezuje da će kupcu isporučiti i instalirati robu iz člana 1. ovog ugovora na lokaciji DDP kupca, u roku do 30 dana od dana zaključenja ugovora.

Prodavac će kupca blagovremeno obavijestiti o prispjeću isporuke.

Prodavac je obavezan da kupcu nadoknadi štetu zbog neblagovremene isporuke robe, izuzev u slučaju više sile, poremećaja na tržištu, razloga koji je skrivio kupac i drugih okolnosti na koje prodavac nije mogao da utiče, kao i nastalu štetu zbog neisporučene količine robe koja je poručena.

III GARANCIJA

Član 3.

Prodavac na robu koja je predmet ovog ugovora daje garanciju na 12 (dvanaest) mjeseci od dana instalacije, te 3 (tri) mjeseca na rezervne dijelove.

IV KVALITET ROBE

Član 4.

Prodavac garantuje da će kupcu isporučiti robu odgovarajućeg kvaliteta, u protivnom, prodavac je obavezan da kupcu naknadi pretpjelu štetu.

V KVALITATIVNI I KVANTITATIVNI PRIJEM

Član 5.

Kupac će vršiti kontrolu kvaliteta kod preuzimanja robe, uz prisustvo predstavnika prodavca, na uobičajeni način.

Reklamacija na isporučeni kvalitet robe se mora pokrenuti najkasnije do 7 dana od momenta prijema robe.

Član 6.

Isporuku robe prati određeni dokument (otpremnicu), koji mora biti propisno ispunjen i ovjeren od strane prodavca i kupca.

Dokument iz stava jedan ovog člana čini sastavni dio fakture.

Član 7.

Ako prilikom prijema robe, kupac utvrdi eventualnu razliku odnosno određene nedostatke, ugovorne strane prihvataju da se takav slučaj riješi na sljedeći način:

- Kupac je obavezan da eventualni reklamacioni postupak na količinu isporučene robe pokrene najkasnije tri (3) dana od prispjeća iste na adresu kupca;
- Prodavac se obavezuje da uzme u postupak sve eventualne reklamacije prijavljene od strane kupca po svakoj pojedinačnoj isporuci.

VI NAČIN I ROK PLAĆANJA

Član 8.

Za isporučenu robu iz člana 1. ovog ugovora prodavac odobrava kupcu odloženo plaćanje na 30 (trideset) dana od dana isporuke robe, pod uslovom da nije bilo reklamacije od strane kupca.

Uplata se vrši na transakcijski račun prodavca naznačen na fakturi. Prodavac je dužan na računu naznačiti broj i datum ugovora no osnovu kojeg se faktura ispostavlja.

VII SAOPŠTENJE I REKLAMACIJE

Član 9.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

Član 10.

Pravo prigovora, odnosno reklamacije, naročito se odnosi na slučajeve:

- isporuke naručene robe neodgovarajućeg kvaliteta,
- neblagovremene isporuke robe,

- isporuke naručene robe u neodgovarajućoj količini,
- neblagovremene najave,
- neblagovremenog izmirenja obaveza, i
- u drugim opravdanim slučajevima.

VIII TRAJANJE UGOVORA

Član 11.

Ovaj ugovor se zaključuje na period od 23.09.2020. godine i biće na snazi sve do i uključujući 22.10.2020. godine.

IX PRELAZNE I ZAVRŠNE ODREDBE

Član 12.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 13.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 14.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 15 (petnaest) dana.

Član 15.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

JU „Apoteke Sarajevo“
Nedim Hrelja mr. ph. MBA
Generalni direktor

MEDA d.o.o.
Mirza Velagić
Direktor

Sarajevo, 23.09.2020. godine